



SAKSFRAMLEGG

Sakshandsamar: Marianne Soleng	Arkivkode: FA-U63
Arkivsaksnr: 19/169	Løpenr: 19/8765
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	05.12.2019	079/2019

Klage på politisk vedtak - Skjenkeløyve - Milano Pizzeria Bjørkheim

05.12.2019 Kommunestyret:

Handsaming i møtet:

Det vart innleiingsvis gjennomført debatt om møtet skulle vera lukka under handsaminga av saka. Møtet vart lukka under denne debatten. Møtet vart opna igjen før kommunestyret røysta over spørsmålet om lukking av møtet. Det vart samrøystes vedteke å lukka møtet under handsaminga, med heimel i kommunelova § 11-5, andre ledd. Resten av handsaminga gjekk derfor for lukka dører.

Gunn Østvik Petersen (Ap) bad om gruppemøte.

Etter gruppemøtet sette Lena Tveit (Bl) fram følgjande framlegg til vedtak:

"Milano Pizzeria får skjenkeløyve som ei prøveordning fram til september 2020. Klasse 1 og 2 frå kl 12.00 - 01.00 kvar dag."

11 medlemmer røysta for framlegget til Lena Tveit og 10 røysta for framlegget til rådmannen.

For Lena Tveit sitt framlegg	For rådmannen sitt framlegg
Knut Harald Frøland (Bl)	Brigt Olav Gåsdaal (Ap)
Lena Tveit (Bl)	Shirin Kvernes Khadoor (Ap)
Anja Elisabeth G. Markhus (Bl)	Gunn Østvik Petersen (Ap)
Martin Haugen (Bl)	Jon Magne Bøgevik (Ap)
Solveig Vassenden (Bl)	Øyvind Røen (Sp)
Ove Totland (Bl)	Monica Tjønna (Sp)
Øyvind Steinsland (Bl)	Gunn Totland Moss (Krf)
Oskar Konrad Kienitz (Bl)	Arild Røen (H)
Linda Haug Kollbotn (Frp)	Øyvind Strømmen (MDG)
Odd Arne Haga (Frp)	Oskar Røen (MDG)
Håvard Tvedterås (Frp)	

KS- 079/2019 Vedtak:

Milano Pizzeria får skjenkeløyve som ei prøveordning fram til september 2020. Klasse 1 og 2 frå kl

12.00 - 01.00 kvar dag.

Rådmannen sitt framlegg til vedtak:

Vedtaket i sak KS 045/19 vert ståande.

Klagen vert oversendt til Fylkesmannen i Vestland for endeleg avgjerd.

Dokument som er vedlagt:

E-post med klage på vedtak - Skjenkeløyve Milano Pizzeria Bjørkheim.

Brev frå Advisorwest datert 20.11.2019

Tilleggsopplysningar frå Skatteetaten

E-post: Tilsynsrapport Milano Pizzeria Samnanger - 10.07.2019

Påpeking av plikt til å etterleve næringsmiddelregelverket

Ettersending av tilsynsrapport Milano Pizzeria Vaksdal - 22.11.2018

Vedtak om stenging og førehandsvarsel om pålegg

E-post: Tilsynsrapporter frå tverretatleg kontroll Milano Pizzeria Vaksdal

Forhåndsvarsel om vedtak om internkontroll

Melding om vedtak om internkontroll

Rapport frå tilsyn 24.10.2019 frå Skatteetaten

E-post (287682)

Dokument som ikkje er vedlagt:

Alkoholoven med forskrifter

Søknad

Kva saka gjeld:

Kommunestyret handsama søknad om skjenkeløyve frå enkeltmannsforetaket Milano Pizzeria Vaksdal Halis Celep (917 124 264) i lokala i Bjørkheim senter første gang i junimøtet i sak 024/19.

Det vart fatta vedtak om å utsetja saka då politiet, trass i purringar, ikkje hadde komme med uttale i saka.

I kommunestyremøtet 17.10.2019 i sak 045/19 vart saka handsama på nytt. Det vart denne gongen gjort vedtak om å avvise søknaden med heimel i alkoholoven 1-7 b.

Sakshandsamar sende 23.10.2019 melding om vedtak til søkjar. I brevet vart det opplyst om klagerett. Vest politidistrikt og skjenkekontrollen i Kvam vart også orientert om vedtaket i skriftleg melding, då dette er prosedyre i alle skjenkesaker som vert handsama i Samnanger.

Den 01.11.2019 klaga Milano Pizzeria Bjørkheim v/ Halis Celep på kommunestyret sitt vedtak pr. e-post. Dette er innanfor reglane om klagefristen på tre veker «etter at søkjar er gjort kjent med vedtaket». Klagen ligg som vedlegg til dette sakspapiret.

Den 20.11.2019 mottok kommunen eit brev frå AdvisorWest byggesøknader & tegnetjenester v/ Andreas Waardal. Dette brevet ligg som vedlegg til sakspapiret.

Samnanger kommune har ikkje motteke melding om eller fullmakt frå Milano Pizzeria eller Halis Celep om at dette firmaet representerer klagar.

Vurderingar og konsekvensar:

Då skjenkeløyvet vart handsama i kommunestyremøtet 17.10.2019 av slo kommunestyret søknaden med heimel i alkoholova §1-7b.

Etter at kommunen mottok klage på dette vedtaket, har sakshandsamar nok ein gong vore i kontakt med Skatteetaten sitt A-krimssenter i Bergen for å forhøyra seg om det har komme inn opplysningar i etterkant av vedtaket som kan ha betydning for handsaminga av klagen.

Det viser seg at Skatteetaten, saman med Mattilsynet, har utført eit tverretatleg tilsyn i lokala til Milano Pizzeria Vaksdal Celep (org.nr. 917 124 264) den 24.10.2019.

Tilsynet avdekka brot på både Skatteetaten sitt og Mattilsynet sitt regelverk. Sjå vedlegg til saksframlegget for detaljar.

Mattilsynet har også hatt tilsyn med firmaet to gonger tidlegare, 22.11.2018 og 10.07.2019. Rapportane frå desse tilsyna ligg som vedlegg til dette saksframlegget.

Sakshandsamar vurderer ut fra opplysningane i saka at kommunestyret bør halda fast på vedtaket som vart fatta i sak 045/19, og avslå søknaden jf. alkoholloven §1-7b.